

Piše: Rešid Muratović, glavni i odgovorni urednik InStore magazina

Ostanite “oni koji čine čuda”



Bez obzira što su FMCG Summit BiH, Marketing Summit Beograd, te FMCG Summit Skoplje već prošli, naši utisci su veoma snažni... Plašimo se euforije koja nam može smetati u sljedećim projektima.

Strasti nam ne manjka, ali euforija ne smije naći mjesto, jer ona obično odvede u krajnost u kojoj se greške itekako dešavaju. Čekaju nas do kraja godine još mnogi projekti i nadam se da nam vjerujete kako će oni biti još bolji od prethodnih.

Ako bih želio poentirati i istaknuti dvije ključne stvari koje sam zapamtio i naučio sa svih ovih skupova znanja i iskustva, one bile:

1. da su najvažniji ljudi i njihov talenat, a upravo ti ljudi su naši partneri i saradnici;
2. ljudi i to oni „mali“, u pravilu, čine čuda.

Na FMCG Summitu u Sarajevu pored svih vrijednih konstatacija i zaključaka posebno me dojmila izjava gospodina Srećka Nakića *Bosna i Hercegovina ima veliki potencijal za razvoj, taj potencijal, svaki put kad imam sreću i priliku da budem ovdje s vama, osjetim i sretnem, u bilo kojem kraju ove lijepo države. A potencijal su talentovani ljudi kojih ima u svakom segmentu društva...*

Također iz Beograda posebna utisak mi je ostavila prezentacija Medveščaka, gdje su citirane riječi Damira Gojanovića: *Mali ljudi postoje da bi činili velike stvari.*

Shvatio sam da ste svi vi s kojima radimo i komuniciramo sve ove godine, talenti koje gospodin Nakić susreće, i da smo zajedno svi mi „mali ljudi“ koji čine velike stvari.

Ne zaboravite „SOS Dječija Sela“, jer ovdje je prigodno da citiram refren poznate pjesme *Samo je naše ono što damo.*

Ostanite „oni koji čine čuda“, jer su ona moguća. Samo u njih moramo vjerovati. Budite kumovi djeci koja nas trebaju. www.sos-ds.ba

A svi Vi koji jeste, ili koji ćete postati, ponosni kumovi, molim Vas da nam pošaljete mail, jer želimo da dođemo do Vas i da Vam stisnemo ruku.

SOS Dječija Sela
Mi osiguravamo porodicu, ljubav i sigurnost za djecu bez roditeljskog staranja. Osnajući kapacitete roditelja, preveniramo odvajanje djece od porodica porijekla. Puno je načina na koje nam možete pomoći, djetinjstvo učiniti bezbrižnim i sretnim, promijeniti živote djece i sačuvati biološke porodice na okupu.

Budite naši prijatelji!

SOS Oslovaška ulica 41/1 - Odjel za prikupljanje sredstava i komunikaciju | Samira Fralder ob. Sarajevo, BiH
T: 033 485 053 | F: 033 485 323 | E: primaci@sos-ds.ba | www.sos-ds.ba